

Pendebat UMS bersaing pada Kejohanan Debat Dunia

NST 5.2.2014 8

KOTA KINABALU: Universiti Malaysia Sabah menghantar dua pendebat ke Kejohanan Debat Universiti Dunia (WUDC) yang berlangsung di Rajalakshmi Engineering College, Chennai, India baru-baru ini.

Menurut Pegawai Jabatan Hal Ehwal Pelajar dan Alumni UMS, Rohani Hadi, pelajar dari Sekolah Perniagaan dan Kewangan Antarabangsa (SPKAL), UMS Kampüs Antarabangsa Labuan dianjurkan sebagai usaha untuk memberi pendedahan dan pengalaman dalam acara berprestij untuk dikongsi kepada para pendebat pelapis universiti.

"Hasilnya, daripada 360 universiti yang turut serta; pendebat UMS berada pada

kedudukan yang ke 313. Kedudukan yang diluar jangkaan kerana kita masih mampu mengatasi beberapa universiti dunia walaupun dari segi pengalaman kita jauh lebih muda berbanding mereka," ujarnya ketika ditemui pemberita kelmarin.

Sementara itu, salah seorang pendebat, Tey Jun Qian ketika ditemui berkata, beliau tidak gentar terhadap saingan dari universiti lain, malah menganggap itu sebagai penyuntik semangat untuk memberikan persembahan yang terbaik.

Namun katanya, persaingan yang sengit daripada universiti-universiti terkemuka menyebabkan mereka terpaksa akur dengan pencapaian tersebut.

Bagi seorang lagi pendebat, Johnson



BERSAMA PESERTA LAIN... Tey (dua kiri) dan Johnson (dua kanan) bergambar bersama dengan peserta dari negara lain.

Wong Qian Sheng berkata, pengalaman beraksara pada kejohanan bertaraf dunia itu memberi seribu manfaat khususnya dalam melihat sendiri kepelbagaiannya teknik debat para peserta dari universiti-universiti tersohor antarabangsa.

"Banyak ilmu yang kita dipelajari dan boleh dikongsikan kepada rakan-rakan yang lain. Secara peribadi, penyertaan dalam pertandingan ini juga meningkatkan keyakinan diri saya untuk beraksara dengan lebih mantap dalam mana-mana pertandingan de-

bat pada masa akan datang," katanya.

Kejohanan selama sembilan hari itu menyaksikan pasukan debat UMS mara sehingga ke pusingan ketiga sebelum tewas kepada Glasgow University Union, United Kingdom dan University of Melbourne, Australia.

Terdahulu, pasukan UMS telah mengalahkan beberapa universiti seperti Moscow State University (Russia), Yogyakarta State University (Indonesia) dan Aoyama Gakuin University (Jepun).